

4.5.2 Dikwalelano tsotlhe tsa kwa ntle tsa Mmasepala di tshwanetse go fetolelwa mo puong ya semmuso e tlhaeletsano ya tshimololo e neng ya amogelwa mabapi le yona, fa fela phetolelo ya Seesimane ya tokomane e bolokiwa mabapi le rekhoto ya mmasepala le dithulaganyo tsa semolao tse di ka nnang teng. Mmasepala o tshwanetse go itsise modirelwa gore tokomane ya Seesimane e ya go dirisiwa mo dithulaganyong tsa semolao.

4.5.3 Ditokomane tsotlhe tsa mmasepala tse di tshwanetseng go bolokiwa di tshwanetse, mabapi le mabaka a a bonagalang a tsamaiso, go tlhagelela ka Seesimane e le puo ya rekhoto.

4.5.4 Seesimane se tshwanetse go dirisiwa ke Mmasepala mabapi le tlhaeletsano ya boditšhabatšhaba, mme Mmasepala o tshwanetse go dira gore ditirelo tsa diphetolelo di nne teng mabapi le tlhaeletsano e e rileng ka puo e e rileng ya naga e e amegang.

#### 4.6 Batho ba ba nang le makoa a puo

Mmasepala o tshwanetse, fa go kopiwa jalo gape fa go leng maleba, go tlamela dithokwa tsa batho ba ba nang le makoa a puo.

### 5. TSHEKATSHEKO YA PHOLISI

5.1 Mmasepala o tla dira ditshekatsheko tsa gangwe le gape tsa puo e e tlhokiwang tsa ka fa gare le tsa kwa ntle le bokgoni go tlhomamisa dithokwa tsa puo le bokgoni jwa puo jwa batlhankedi ba mmasepala le jwa baagi ba Tshwane.

5.2 Yuniti ya Ditirelo tsa Puo e tla dirisa dipholo tsa ditshekatsheko tse go lebasešwa le go tlhabolola pholisi.

5.3 Yuniti ya Ditirelo tsa Puo e tshwanetse gangwe le gape go tlathloba tsenyotirisong ya pholisi le go tsenya diphetogo tse di tlhokagalang.



#### Go bona tshedimosetso e nngwe mabapi le pholisi ya Puo, tswetswee ikgolaganye le:

Landela Nyangintsimbi  
Mogala: 012 358 4762,  
Fekese: 012 358 7453 or  
Imeili: [landelan@tshwane.gov.za](mailto:landelan@tshwane.gov.za).

## POLISI YA PUO YA TOROPO YA TSHWANE

*Buka e, e fetoletswe mo dipuong tsotlhe tsa lefatshe. Nka nna ka ya kwa lefelong lengwe le lengwe mo lefatsheng mme kgang ya me e ka fitlhelwa mo puong eo. Fa, ke tlhagelela fela ka Seesimane. Ke batla go nna karolo ya dipuo tsotlhe tsa naga ya gaetsho. Puo ya motho ga e a tshwanela go nyelela. Ke ka moo ke dumelang mo phetolelong; gore rotlhe re tle re kgone go tshela mmogo.*

*Yo e neng e le Moporesidente e leng Nelson Mandela, fa a ne a bodiwa gore goreng a ne a batla gore The Long Walk to Freedom e fetolelwe mo dipuong tsotlhe di le somenngwe tsa semmuso tsa Aforika Borwa, jaaka a nopotswe mo go A change of tongue ya ga Antjie Krog.*

*Pholisi ya dipuontsi ke karolo e e botlhokwa go fetola Aforika Borwa go nna Demokerasi e e feletseng ya seabe. Batho ba ka se solofelwe go obamela melao fa ba sa kgone go e tlhaloganya.*

**Kristina Cunningham**

## 1. MATSENO

Toropo ya Tshwane e ne ya amogela Pholisi ya Puo ka di 2 tsa Phatwe ka 2007. Pholisi e ikaelela go thusa Toropo go fitlhelela seabe se se nonofileng sa baagi ka go kgontsha baagi go tlhaeletsana le go fitlhelela ditirelo tsa mmasepala ka puo e ba e tlhaloganyang sentle. Gape e neelana ka dikaelo mabapi le ka moo Mmasepala o tshwanetseng go tsenya tirisong dipuontsi ka teng mo thulaganyong ya ona ya tlhaeletsano go netefatsa gore baagi botlhe ba fitlhelela tshedimosetso le ditirelo tsa mmasepala.

## 2. SEKOUPU SA TIRAGATSO

Pholisi e, e mabapi le badiri ba Mmasepala, baagi ba Tshwane, batlamedi ba ditirelo gape go kopo e nngwe le nngwe e e lebisitsweng kwa Mmasepaleng mabapi le tiriso ya puo le ditiro tsa puo.

## 3. MAITLHOMO A PHOLISI YA PUO

Maitlhomo a Pholisi ya Puo ke go-

- netefatsa thotloetso ya tiriso e e lekanang ya dipuo tsa semmuso tsa Mmasepala;
- bebofatsa phitlhelelo ya ditirelo tsa mmasepala le tshedimosetso;
- sireletsa pharologano ya dipuo le thotloetso ya go tlotliwa ga dipuontsi le tshwaragano mo pharologanong; le
- netefatsa tiriso ya dipuontsi mabapi le thulaganyo e e nonofileng ya tsamaiso le ya tlhaeletsano mo Mmasepaleng.

## 4. DIKATLANEGISO TSA PHOLISI

Dikatlanegiso tse di latelang di a diriwa mabapi le tiriso ya puo mo Mmasepaleng:

### 4.1 Dipuo tsa semmuso tsa Tshwane

Toropo ya Tshwane e amogetse **dipuo di le thataro** go nna tsa semmuso, e leng:

- Seaforikanse
- Seesimane
- Sepedi
- Setsonga;
- Setswana; le
- Sezolo

E bile Mmasepala o tsaya matsapa go dirisa dipuo tse dingwe tsa semmuso tsa Rephaboliki ya Aforika Borwa, go akaretsa Puo ya Diatla le mokgwa wa go buisa le go kwala wa Difofu fa go leng maleba teng, fa go kopiwa jalo.

### 4.2 Tlhaeletsano e e buiwang ya ka fa gare

4.2.1 Dipuo dingwe le dingwe tsa semmuso tsa Mmasepala di ka dirisiwa mo tlhaeletsanong ya mafapha le magareng ga mafapha, fa fela botlhe ba ba amegang mo tiragalong ya tlhaeletsano ba tlhaloganya puo kgotsa dipuo tse di buiwang.

4.2.2 Seesimane se atlanegisiwa e le puo ya tiro mo tlhaeletsanong e e buiwang ya mafapha le magareng ga mafapha. Puo e nngwe ya semmuso ya Mmasepala e ka dirisiwa, fa fela e tlhaloganngwa ke ditlhopho tsotlhe mo tiragalong ya tlhaeletsano. .

4.2.3 Ditirelo tsa thanolo di tla neelwa go bebofatsa tlhaeletsano kwa dikopanong tsa Khansele, tsa Thulaganyo ya Toropo le kwa ditheetsong tsa kgalemo, le kwa dikopanong tse dingwe/diwekešopo/dikhonferense fa go kopiwa jalo.

### 4.3 Tlhaeletsano e e buiwang ya kwa ntle

Mmasepala mo tlhaeletsanong ya ona e e buiwang o tshwanetse go kgarathela go direla badirelwa botlhe ba ona ka puo e ba e batlang, fa go leng maleba teng.

### 4.4 Tlhaeletsano e e kwadiwang ya ka fa gare

4.4.1 Go rotloetsa nonofo ya go dira, Seesimane ke puo ya tiro ya Mmasepala, e bile diphetolelo mo dipuong tse dingwe tsa semmuso tsa Mmasepala di ka tlhagisiwa fa go kopiwa jalo.

4.4.2 Le fa go se modiri ope wa Mmasepala yo o ka thibelwang go dirisa puo ya semmuso e a e batlang ka nako nngwe le nngwe, ditokomane tsotlhe tsa mmasepala tse di tshwanetseng go bolokiwa di tshwanetse, mabapi le mabaka a a bonagalang a tsamaiso, go tlhagelela ka puo ya tshimololo le Seesimane e le puo ya rekhoto.

4.4.3 Tiriso ya puo e e bonolo mo ditokomaneng tsa ka fa gare tsa mmasepala e tshwanetse go rotloediswa go bebofatsa kutlwisiso le go tokafatsa tlhaeletsano.

### 4.5 Tlhaeletsano e e kwadiwang ya kwa ntle

4.5.1 Mmasepala o tshwanetse go tsaya matsapa go rotloetsa dipuontsi mo websaeteng ya ona le mo diphasalatsong tsa ona tsa kwa ntle ka go dirisa dipuo tsa semmuso tsa Mmasepala.